



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1143. Usque Ad Annum 1176

Fleury, Claude

August. Vind. [u.a.], 1762

VD18 90118014

§. 15. Ecclesia Siciliae.

[urn:nbn:de:hbz:466:1-66377](https://nbn-resolving.org/urn:nbn:de:hbz:466:1-66377)

Sæcul. XII.

A.C. 1169.

Chron. Jo.
Thuro. c. 67.
Etc.

Præpositi, si sint Regis Vasalli, Abbe-
tes, alique Viri Ecclesiastici, Dignitate
præditi, non nisi ob admiffa crimina &
canonico iudicio deponantur. Fatetur
etiam Rex, se hanc Legem ex consilio
Reginæ, Matris suæ, omniumque Præsu-
lum & Optimatum promulgare, inde-
que saltem id perspicimus, in Hungaria
sicut in aliis Regnis, pravas consuetudi-
nes contra Canones irrepsisse. Rex Ste-
phanus III. mortalitatem exiit die Do-
minica trigesima Januarii anno mille-
mo centesimo septuagesimo secundo, cui
Stephanus IV. frater successit, eique post
lapsum paucorum mensium Bela III. alter
ipfius frater fuffectus.

§. XV.

Ecclesia Siciliae.

Illā tempestate tristis erat facies Eccle-
siae Siculae, regnante Guilielmo II. pue-
ro, quod ex Historia Hugonis Falcandi,
illius ævi Scriptoris, & ex Epistolis Petri
Blesensis cognoscimus. Ceterum in Si-
cilia habitabant tum Græci, tum Ara-
bes, tum Longobardi, tum Normanni,
quibus, ultimo loco positis, ceteri domi-
nantibus parebant. Regis autem nomi-
ne Margaretha Regina ejus mater vel
magis illi, a quibus ipsa regebatur, impe-
rabant. Margaretha, ut auctoritatem
suam firmaret, Rotruvium Archiepisco-
pum

pum Rotomagensem Avunculum suum Sæcul. XII.
A.C. 1169.
datis literis rogavit; mitteret sibi virum
sanguine suo oriundum. Et ille Step-
hanum Comitis Perchiæ filium eo profici-
sci iussit, qui ab ea Sicilia Cancellarius
creatus, paulo post Archiepiscopus Pa-
normitanus, quæ civitas totius Regni
caput erat, electus est, compluribus Præ-
sulibus, nam multi hanc Dignitatem am-
biebant, & ceteris vehementius Richar-
do Episcopo electo Syracusano ex gente
Anglorum orto, invidentibus.

Stephanus Cancellarius præter alios
itineris socios Petrum, Blesis natum, cui
patriæ nomen inhæsit, in Siciliam addu-
xit, virum scientiæ & virtutis laude cla-
rum. Is Regi adolescenti Præceptor da-
tus est, in hoc munere succedens Gual-
terio ad Archiepiscopatum Panormita-
num vocato, qui primus Guilielmum e-
lementa Grammaticæ & carminis regu-
las docuerat. Petrus vero Blesensis Di-
scipulum suum ad severiores Musas de-
duxit uno anno, quo ejus juventuti præ-
fectus fuit, ac simul Principis annulum
apud se habebat, nemini Procerum nisi
Stephano Cancellario secundus. Quod
cum amulos proceres excitasset, ut eum
prætextu honesto a Regis latere dimo-
verent, Episcopum Neapolitanum, quæ
urbs illa tempestate nulla re spectabilis
erat, eligi effecerunt. Petrus hanc Di-

Uu 5 gnita-

ep. 131.

Sæcul. XII. gnitatem a se amolitus, quia eum turbæ
 A.C. 1169. Siciliæ non latebant, & frequentes in
 Cancellarium conjurationes, qui nisi vi-
 tam suam evidenti periculo expositam
 vellet, e Sicilia migrare compulsus est,
 valedixit Regi, nec ejus precibus aut pro-
 missis adduci potuit, ut diutius morare-
 tur. Petrus igitur e Sicilia solvit paulo
 postquam Cancellarius excessisset, eo-
 dem anno, quo Catana terræ motu e-
 versa est, scilicet millesimo centesimo se-
 xagesimo nono, atque ad Regem An-
 gliæ, pristinum Dominum suum rever-
 sus est.

v. Pagi. an.
 1167. n. 25.
 1169. n. 8.

Pet. ep. 10.

Post reditum Petrus Blesensis, datis
 literis ad Walterium, tunc Regis Sici-
 liæ Capellanum, olim Præceptorem suum,
 conquestus est de moribus Regis, qui
 importunis precibus Roberti Comitis Lo-
 rocellensis victus Episcopum Agrigenti-
 nensem eligi volebat hujus Comitis fra-
 trem, hominem minime idoneum & Ca-
 pitulo invisum. Præterea dolet, quod
 Guilielmus in Regiam familiaritatem ad-
 misisset viros duos natalibus obscuris vi-
 les, rejectis Romualdo Archiepiscopo
 Salernitano atque Rogerio Comite Ave-
 lino, Propinquis suis, ac etiam eorum-
 dem perversis consiliis ad diripiendos
 Ecclesiæ thesauros impelleretur. Tum
 in hac Epistola Walterium hortatur, ut
 Christiana fortitudine toleraret, quod
 homo

homo fatuus per convitium appellatus Sæcul. XII.
 fuisset, & Regi monita salutaria constan- A.C. 1169.
 ter ingereret. Walterius paucis post
 diebus, quam Stephanus Cancellarius dis-
 scessisset, Archiepiscopus Panormitanus
 proclamatur, sed non libere, quippe po-
 pulus, pecunia a Proceribus accepta cor-
 ruptus, monachos ad eum eligendum
 compulit. Unde Reginæ, ceterisque Falcand. sub.
 Cancellarii amicis spes nata, a Papa im- fin. Fazet.
 petrari posse, ut hanc electionem nul- VII. n. 5.
 lam declararet, eo facilius, quod Cancel-
 larius, prius ad hanc Ecclesiam Archie-
 piscopalem regendam electus, non nisi
 vi coactus eidem renunciaverit. Porro
 Petrus Cajetanus, Cardinalis Subdiaco-
 nus, qui tunc in Sicilia versabatur, pro-
 miserat, Papam Walterii electionem
 abrogaturum esse, acceperatque jussu
 Reginæ septingentas auri uncias, quæ
 Romam deferrentur. Sed Walterii Fau-
 tores affirmabant, spectatis adjunctis,
 quibus premeretur Curia Romana, vo-
 luntati Optimatum resistere non ausu-
 ram, nec profecto immensas pecunias,
 quas Siculi ad obtinendam hujus electio-
 nis confirmationem oblaturi essent, tali
 ærarii Papalis tempore, rejecturam. Nec
 in totum fallebantur; nam, electione a
 Pontifice confirmata, Walterium ejus
 Suffraganei Panormi in Ecclesia Majore,
 Rege & Regina Matre præsentibus, in
 Feste

Sæcul. XII. Festo S. Michaelis, vigesima nona Septembris, anno millesimo centesimo sexagesimo nono, consecrarunt.

§. XVI.

*Epistola Papæ ad Soldanum
Iconiensem.*

p. 431. edit. 1107. Matthæus Paris. an. 1169. Alex. ep. 32. Inter opera Petri Blesensis occurrit quædam Institutio in Fide Christiana, Soldano Iconiensi inscripta, nomine Papæ Alexandri II. concinnata, quæ ab aliquo Scriptore sequentis Sæculi ad hunc annum millesimum centesimum sexagesimum nonum refertur. In ea autem Pontifex ita loquitur: *Ex literis tuis & Nunciorum tuorum fideli sermone cognovimus, quod ad Christum converti in votis habeas, cumque jam receperis Pentateuchum Moysis, Prophetiam Isaia & Jeremiæ, Pauli etiam Epistolas atque Joannis Evangelium & Matthæi, postulas tibi mitti virum, per quem quasi vice nostra Legem Christi plenius edocearis. Nobis autem, ut petitioni tuæ, quæ gratissima accidit, assentiamur, curæ erit ad te viros mittere, quorum Doctrina & mores ad viam & veritatem Evangelicam te deducant. Quoniam etiam nostræ Fidei compendium literis tibi aperiri rogas, illud tibi ut desideras tradimus.* Sequitur Institutio scripta de duobus My-
steriis